

外交詩話補遺 (三)

王家鴻

送衛濂士還美國

大地回環一水涵，乘槎歷斗助清談。塵中世界原同趣，天外波濤定飽諳。碧海秋深風正穩，黃花別晚酒初酣。君歸皓首吾方出，此意憑誰一笑參。

次韻方子巖都轉見贈（此似為赴英以前之作）

本無志願到公侯，敢說中朝第一流。王會來同天北極，聖恩許作海西遊。衰顏吟嘯龍蛇窟，故國江山鷓鴣洲。一過高軒酬唱盛（時周荇農林穎叔皆有和贈之作），黃花開徧帝城秋。

日本百武參贊枉詩奉答兼示上野公使

卅二國一成都會（時充使倫敦三十二國），寥寥相對海東人。蓬萊方丈天同遠，劍佩星辰景更新。客裏琴尊歡入夜，雨餘花柳暗回春。參軍詩筆能驚坐，又為征軺浣別塵。（時西德佐使方回巴里）

移居（此詩似駐英時作）

客行四萬八千里，忽忽移居咫尺間。天地容身無礙小，人禽爭食祇求頑。九衢車馬奔成海，萬戶雲煙疊似山。小作遠家高處住，支窗容我一開顏。

早起見雪喜而有作（亦似在英之作）

細碎風聲昨夜聞，曉寒輕幌綴冰紋。鳩呼日出朝煙濕，鷓踏枝翻細雨紛。忽憶妙高峯頂雪，招來巖壑寺前雲。殊方歲晚真無奈，取次顛狂藉酒醺。

贈長崎道志

護軍冠玉陳平似，絕勝人才東海隅。為問西來青鳥使，閒窺朱牖識君無。

題希斯園林

軒席回合水平池，石洞幽深境轉奇。忽憶蓮華峯下路，參天松檜出巖時。

贈王益吾還京（此為使英回國之作）

歷盡滄溟四萬程，漢唐遺蹟入盱衡。祇餘茫昧滄桑憾，誰辨虛誣史傳名。開國規模憑討論，誤人學術祇縱橫。聖明若問江湖逸，一掬袁安淚早傾。

為李幼梅題所藏越南貢使阮恂叔詩札冊

此景日南漢郡縣，誰傳銅柱界夷華。百年環賈來重譯，前代車書自一家。儘有詩篇輝孔翠，竟教滄海鬪魚蝦。五年不見朝正使，狼藉春風踞躅花。

李侯示我篋中書，珍重琳琅廿載餘。毒冒珠璣無復見，占城臭臘久成

墟。豈惟解輪嗟淪落，坐見衣冠付掃除。白雉未戴何處是，空傷萬里指南車。

顧維鈞借杜甫春望詩紀念蘆溝橋抗戰

偶閱王長寶女士所著歐氣隨侍記，一九四〇年七月十八日日記，載顧少川先生在其父王石孫公使紀念冊留題故事。顧氏的國學修養和詩詞修養，皆為其英文和法學大名所掩蓋。筆者於金閨泗詩稿中，發現與顧氏唱酬之作，惜未見顧氏原詩。王女士所記故事，係少川先生於蘆溝橋事變三周年所錄杜詩：「國破山河在，城春草木深。感時花濺淚，恨別鳥驚心。烽火連三月，家書抵萬金。白頭搔更短，渾欲不勝簪」。詩後並跋云：「民國二十九年七月，余舊友駐波蘭王公使石孫兄，因波蘭被侵，養痾於法之西南海濱。余駐節法國，亦以巴黎淪陷，移節同城。因有赴葡專使之命，旬日歸來，適石孫兄為其女公子持冊囑題。適逢蘆溝橋抗戰三年紀念，爰錄少陵詩誌感云云。聞顧氏有英文回憶錄，稿存哥倫比亞母校，須俟其去世後發表。其遺詩將如何處理？不得而知。

王之春使俄詩草

王之春湖南人，任湖北布政史。光緒二十年十月，因俄皇亞力山大三世去世，尼古拉斯嗣位，清廷派他為赴俄唁賀專使。他在當時外交界，本無籍籍之名，因為俄新主為皇儲時，游歷廣東，巡撫劉瑞芬因病請假，他代行巡撫事，接待這位皇儲。清廷利用這段淵源，派他為赴俄唁賀專使。當時恰值中日甲午之戰，清廷還密令他向俄游說，出面干涉，並使道往德、英、法三國，洽購軍備。他於光緒二十年十月出國，次年五月回國。在這一階段中，他寫了一部「使俄草」，係日記體裁。他所游歷地方，接觸的人物，都有紀游贈答詩歌。全書文筆典雅，詩律高華，不愧為重要外交文獻。臺北文海出版社，將此書列入「近代中國史料叢刊第七種」留心外交史者，不可不讀。本篇為外交詩話補遺，故錄其有關外交詩歌於後。

到津謁合肥相國

萊公孤注究何曾，失算街亭自可矜。時局如斯天不諒，臣心已盡客無能。虬蟬撼樹心徒壯，龍馬精神氣尚蒸。驅繮斬鯨終有待，狂瀾初起任奔騰。

折衝尚有老成人，持節西行偶問津。等是友邦聯信義，莫非王事任艱辛。權宜須協華夷性，柔遠期交大小鄰。詢得機宜好專對，探囊秘計更生新。

按二詩作於甲午戰敗之餘，當時朝野，對於李鴻章責備甚嚴。此詩對合肥處境，深表同情。對於個人使命，亦隱約可辨，可謂立言得體。

夜入柏林

昨夜今宵記未真，渾忘草草是勞人。千燈煥彩迎車愧，餘雪衝寒遍地勻。道假鄰封成過客，身持使節亦前因。樽前僉說俾司馬，羨煞他邦柱石臣。

呈俄皇七律二首

累朝脩好固同盟，特遣行人數萬程。如日重瞻雙鳳闕，前星回首五羊城。膺符應運新承緒，當璧徵祥舊著名。上館緇衣榮使節，更蒙握手慰旒旌。

東華世胄湖銀潢，帝錫年齡應壽昌。雨雪來斯人樂歲，卿雲紉縷史書祥。珠盤好合衣裳會，環海澄清日月長。中夏使臣勞念舊，客星何敢比嚴光。

按此詩所用五羊城及客星故事，均點出在廣東接待尼古拉斯事，尚稱典切。